

კომპიუტერული ტექნოლოგიები

კომპლექსური დავალება

რესურსის დასახელება: ტექსტური რედაქტორი და მისი ძირითადი ინსტრუმენტები
კლასი: მეოთხე
მიმართულება: ისტ
სამიზნე ცნება/ცნებასთან დაკავშირებული მკვიდრი წარმოდგენები: ინფორმაცია 1. კომპიუტერული მონაცემების გამოყენებით შესაძლებელია ინფორმაციის სწრაფი გაცვლა, შენახვა და დამუშავება; 2. როგორც სიტყვები შეგვიძლია დავწეროთ ფურცელზე, ასევე შეგვიძლია, ინფორმაცია ჩავწეროთ კომპიუტერში/კომპიუტერული ფაილის სახით ;
ქვეცნება / საკითხი: ტექსტური რედაქტორი (Microsoft Word); ტექსტური რედაქტორის მიზნობრივი გამოყენება
საკვანძო კითხვები: <ul style="list-style-type: none">როგორ მოიპოვეთ ინფორმაცია დავალების შესრულების პროცესში. თქვენ მიერ გამოყენებული ინფორმაციის რა ნაწილი იქნა მოძიებული, შექმნილი ან სხვასთან გაცვლილი (მ. □. 1);როგორ და რა ტიპის ფაილის სახით შეინახეთ ინფორმაცია კომპიუტერში (მ. □. 2);რა ტიპის ცვლილებები განიცადა თქვენ მიერ შექმნილმა ფაილმა (მ. □. 3); როგორ გადაიტანთ თქვენს ფაილს სხვა კომპიუტერულ მონაცემობაში საჭიროების შემთხვევაში (მ. □. 3) .
კომპლექსური დავალების პირობა:

შენ უკვე გაეცანი ტექსტური რედაქტორის ფუნქციას. შენი მეგობრებისთვის შექმენი პატარა გზამკვლევი – დამხმარე რჩევების პოსტერი ან პრეზენტაცია, რომელიც გაუადვილებს მათ ტექსტურ რედაქტორში მუშაობას. გაუზიარე შენი ნამუშევარი თანაკლასელებსა და მასწავლებელს.

დავალების შესრულებისას ყურადღება გაამახვილე ტექსტური რედაქტორის იმ ინსტრუმენტებზე, რომლებსაც, შენი აზრით, ხშირად გამოიყენებთ სხვადასხვა საგანში დავალების შესრულებისას.

შესრულებულ დავალებაში ნათლად უნდა ჩანდეს:

თქვენ მიერ მოპოვებული ინფორმაციის რა ნაწილი იქნა მოძიებული;
თქვენ მიერ მოძიებული ინფორმაციის რა ნაწილი იქნა შექმნილი თქვენ მიერ;
რა შემთხვევაში ვიყენებთ ტექსტურ რედაქტორს;
ტექსტური რედაქტორის რომელი ინსტრუმენტებია თქვენთვის ცნობილი;
რომელ კატეგორიებად შეგიძლიათ დაყოთ ტექსტური რედაქტორის ინსტრუმენტები.